

Redovni izvještaj dnevnih događaja i pojava

Izvještaj se odnosi na događaje u vremenskom periodu od 21.08.2026. godine od 08:00 sati do 22.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća imala je četiri intervencije na gašenju požara:

- Požar na Plješevici je i dalje aktivan. Gašenje otežava vjetar i nepristupačan teren. Upućen je zahtjev za pomoć Oružanih snaga BiH.
- Od 11:45 do 14:07 sati u mjestu Žegarsko polje, gdje je gorjelo smeće.
- Od 11:24 do 14:21 sati u mjestu Grmuša, gdje je gorjelo nisko rastinje.
- Od 17:48 do 18:35 sati u mjestu Srbijani, gdje je gorjelo smeće.

Grad Cazin- Vatrogasna jedinica grada Cazina imala je tri intervencije na gašenju požara:

- Požar koji je nastao 20.08.2026.godine oko 17:30 sati na području Velike i Male Gomile je i dalje aktivan. Vatrogasna jedinica Cazin sa 11 vatrogasaca i tri vatrogasna vozila, uz pomoć radnika šumarije Cazin, bila je na terenu od 10:00 do 17:30 sati. Dosta toga je pogašeno, a ostao je aktivan dio koji je zbog nepristupačnog terena teško gasiti. Na licu mjesta se i dalje nalaze radnici šumarije. Upućen je zahtjev za pomoć Oružanih snaga BiH.
- Od 14:40 do 16:30 sati u mjestu Ljubijankići, gdje je gorjela šuma.
- Od 21:35 do 23:25 sati u mjestu Gornja Barska, gdje su gorjele rolo bale sijena.

Općina Sanski Most- Vatrogasna jedinica općine Sanski Most imala je tri intervencije na gašenju požara:

- Od 14:15 do 15:15 sati u mjestu Čaplje, gdje je gorjela trava.
- Od 14:45 do 17:10 sati u mjestu Sasina, gdje je gorjela šuma.
- Od 14:52 do 16:00 sati u mjestu Vrhpolje, gdje je gorjela trava.

Općina Velika Kladuša- Vatrogasna jedinica općine Velika Kladuša imala je intervenciju na gašenju požara od 12:21 do 16:20 sati u mjestu Bosanska Bojna, gdje je gorjela trava i šuma.

Grad Bosanska Krupa- Vatrogasna jedinica grada Bosanska Krupa imala je intervenciju na gašenju požara od 15:40 do 17:30 sati u mjestu Vranjska, gdje je gorjelo nisko rastinje. Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Zbog radova na izgradnji pješačke staze, saobraća se usporeno, naizmjeničnim propuštanjem vozila uz ručnu regulaciju saobraćaja u gradu Bihaću.

Duge su kolone putničkih vozila na izlazu iz Bosne i Hercegovine na graničnim prelazima Izačić, Velika Kladuša.

Na ostalim graničnim prelazima, za sada, putnička vozila ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se pet saobraćajnih nezgoda. Povrijeđenih lica nije bilo, pričinjena je materijalna šteta.

OŠTEĆENJA ELEKTRIČNE MREŽE (LP-18)

Zbog grmljavinskog nevremena bilo je više prekida u snabdijevanju električnom energijom. U općini Sanski Most od 19:54 sati van napona je 20 kV dv Dabar. Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u u svim pravcima.

OBLAST VODOSNABDIJEVANJA (LP-18)

Grad Cazin - Zbog povećane potrošnje i smanjenog kapaciteta na izvorištima uvedene su redukcije u snabdijevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim - Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići. Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Grad Bihać-Policajska stanica Bihać dostavila je Službenu zabilješku sačinjenu na okolnosti prijave pronalaska NUS-a. Radi se o minobacačkoj mini 82 mm pronađenoj u mjestu Čekrlje. Policijska patrola obezbjedila je mjesto pronalaska.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 22 °C.

Vodostaj rijeke Une iznosi 22 cm, (početak obavješćavanja je 100 cm).

U općini Sanski Most u 08:00 sati temperatura je iznosila 23 °C.

Vodostaj rijeke Sane iznosi 71 cm (početak obavješćavanja je 310 cm).